

# დილა

„აყვავილი, ტურფა ქვეყანა,  
იღბინე, ქართველი მხარე,  
და შენც, ქართველო, სწავლითა  
სამშობლო გაახარეო!“



თბილისი-ბორჯომი

№6

ივნიანი

1949

საქართველოს ალკა ცენტრალური  
კომიტეტის შრომითიური ორგანო  
საბავშვო ჟურნალი მცირეწლოვანთათვის

ფენი  
1949

ДИЛА  
ежемесячный детский журнал  
ЦК ЛКСМ ГРУЗИИ



## პუშკინი

იგი დაიბადა მშრომელ ხალხის გულში,  
 მიტომ ხალხის სკოლას ეახსიან პუშკინს.  
 უძღვროდა მეუის ბორკილების ლეწვას,  
 ხალხის სიყვარული აზვარით ეცვა.  
 და თუც მტერთა ხელით გულსე მოხვდა ტვეთ,  
 განა მოჰკლეს?! პუშკინს უკვდავება ჰქვია.  
 მეტნის ჩანკის ქღერა დღესაც ტკბილად გვესმის...  
 მისი ვეულა წიგნი, მისი ვეულა ლექსი  
 სღვად გაშლილ სწავლით გადასალახავი...  
 მამ ამ სიბრძნის სღვაში შევაცუროთ ნავი!  
 ვან თქვა მტერმა მოჰკლას!? ისევე ხუნთან არის,  
 დიდი რუსი ხალხის დიდი მოძღვრალი!

ირაკა ნონუხილი





4032

ალექსანდრე პუშკინი თბილისში

ნახატი იოსებ ვაბაშვილიძის



## დიდი რუსი მწერალი \*)

ლიცეუმის დამთავრებისას ალექსანდრე პუშკინს 18 წელი შეუსრულდა. ახალგაზრდა პოეტი ძლიერ ცოცხალი, მარდი და ღონიერი იყო. კარგი ლექსების წერასთან ერთად პუშკინმა ცურაობა, ფარიკაობა და ცხენოსნობაც იცოდა.

21 წლისაც არ იყო პუშკინი, როდესაც მან შესანიშნავი ზღაპარი „რუსლანი და ლიუდმილა“ დაწერა. ამ წარმოების შესაქმნელად პუშკინს დაეხმარა იმ ზღაპრების ცოდნა, რომელსაც ბავშვობისას ბებია და გადია მოუთხრობდნენ.

„რუსლან და ლიუდმილა“ პუშკინს მთელს რუსეთში გაუთქვა სახელი. ეს ზღაპარი ძალიან მოეწონა ცნობილ რუს პოეტს ჟუკოვსკის. აღტაცებულმა ჟუკოვსკიმ პუშკინს აჩუქა თავისი სურათი წარწერით: „გამარჯვებულ მოწაფეს, დამარცხებული მასწავლებლისაგან“.

\* \* \*

გადია არინა როდიონის-ასული მარტო ზღაპრებს კი არ უამბობდა ახალგაზრდა პუშკინს; იგი მომავალ პოეტს მოუთხრობდა, თუ როგორ სტანჯავდნენ და აწამებდნენ მეფე და მემამულეები მშრომელ ხალხს.

როდესაც წამოიხარდა, პუშკინმა თავისი თვალით დაინახა ყმა-გლეხების ჩავგრის სურათები. ამიტომ მან შეიძულა მეფე, მისი მოხელეები და მათ წინააღმდეგ მიმართულ ლექსებს წერდა.

ამ ლექსების დაბეჭდვა იმ დროს არ შეიძლებოდა, და ხალხი ზეპირად სწავლობდა მათ.

მეფის ქანდარმებმა მალე გაიგეს, რომ ამ რევოლუციური ლექსების დამწერი პუშკინი იყო, და მას ბესარაბიის პატარა ქალაქში, კიშინიოვში გადასახლება მიუსაჯეს.

პუშკინმა კავკასიასა და ყირიმზე გავლით იმოგზაურა კიშინიოვამდე. კავკასიაში, პოეტმა პირველად ნახა თოვლით დაფარული მაღალი მთები, აქაფებული მდინარეები. იგი პირველად აქ გაეცნო ვაჟაკი და გაბედული მთიელების ცხოვრებას. ყირიმის ლამაზმა ბუნებამაც მოხიბლა პოეტი და ეს შთაბეჭდილებები თავის პოემებში „კავკასიის ტყვე“-ში და „ბახისარაის შადრევანში“ ასახა.

კიშინიოვში პუშკინი დაუახლოვდა ახალგაზრდა ოფიცრებს, რომლებიც მეფის მთავრობის წინააღმდეგ აჯანყებას ამზადებდნენ. პუშკინი შეთქმულთა საზოგადოების წევრი არ ყოფილა, მაგრამ მთელი გულით თანაუგრძნობდა მათ.

პოეტის მეგობრები მეფეს თხოვდნენ, რომ პუშკინისათვის პეტერბურგში დაბრუნების ნება მიეცა, მაგრამ ამ თხოვნაზე უარი მიიღეს. მეფე მხოლოდ იმაზე დათანხმდა, რომ პუშკინი კიშინიოვიდან ქ. ოდესაში გადაეყვანათ. ოდესაში პოეტი, გენერალ-გუბერნატორის ვორონცოვის კანცელარიაში მსახურებდა პატარა მოხელედ. ვორონცოვი ამაყად და დაგდებულად ეპყრობოდა პუშკინს, ბღენძია გუბერნატორს პოეტი სამაგიეროს იმით უხდიდა, რომ მასზე

დასასრული. იხილეთ „დილა“ № 5.



პუშკინი ლიევევის ხალხი

(ქანდაკება)

დამცინავ ლექსებს წერდა. გაბრაზებულია ვორონცოვმა მეფეს თხოვა, რომ პუშკინი ოდესიდანაც გაესახლებინათ. მეფემ გუბერნატორს თხოვნა შეუსრულა და დიდი პოეტი რუსეთის ერთ-ერთ მიყრუებულ სოფელ მიხაილოვსკოეში გადაქარგა.

სოფ. მიხაილოვსკოეში პუშკინთან მხოლოდ მისი გამზრდელი, არინა როდიონის-ასული, ცხოვრობდა. იგი ზამთრის ღამეებში დაუღალავად უამბობდა პოეტს ზღაპრებს და უმღეროდა ხალხურ სიმღერებს.

მიხაილოვსკოეში ყოფნის დროს პუშკინმა ბევრი ლექსი, პოემა და მოთხრობა დაწერა. მათ შორის — „მეთევზისა და თევზის ზღაპარი“.

\*\*\*

სწორედ იმ ხანებში, როდესაც გადასახლებული პოეტი მარტოობაში იტანჯებოდა, რუსეთის მეფეს პეტერბურგში „დეკაბრისტები“\*) აუჯანყდნენ. მეფემ ისინი სასტიკად დასაჯა: აჯანყების ხუთი მთავარი ხელმძღვანელი ჩამოახრჩვეს და ასზე მეტი სხვა მონაწილე ციმბირის კატორღებში გაგზავნეს.

ნელი ჩამოახრჩვეს და ასზე მეტი სხვა მონაწილე ციმბირის კატორღებში გაგზავნეს.

გადასახლებულთა შორის პუშკინის მეგობრებიც იყვნენ: პოეტი კიუხელბეკერი და პუშკინი.

დაპატიმრებული დეკაბრისტების ქალღმერთებში ჟანდარმებმა პუშკინის მრავალი რევოლუციური ლექსი იპოვეს. ამის გამო პოეტი მეფისაგან ახალ სასჯელს მოელოდა, მაგრამ მეფე ნიკოლოზი ვშმაკურად მოიქცა: მან ჟანდარმებს სოფ. მიხაილოვსკოედან სასწრაფოდ ჩამოაყვანიდა პუშკინი. მეფესთან საუბრის დროს პოეტს თავი ამაყად ეჭირა. მეფე შეეკითხა პუშკინს: „14 დეკემბერს რომ პეტერბურგში ყოფილიყავი, როგორ მოიქცეოდი“. პუშკინმა უპასუხა: „ვიქნებოდი სწორედ იქ, სადაც ჩემი მეგობრები იყვნენო“. მიუხედავად ასეთი პასუხისა, მეფემ პუშკინს შერიგება სთხოვა და პირველმა გაუწოდა მას ხელი. პუშკინი დიდი ყოყმანის შემდეგ დაეთანხმა მეფეს შერიგებაზე. ამ დღიდან

\*) დეკაბრისტებს მათ იმიტომ უწოდებდნენ, რომ აჯანყება დეკემბრის თვეში მოხდა.

პუშკინი საცხოვრებლად მოსკოვში დარჩა. მთელი მოსკოვის საზოგადოება შეჰხაროდა პოეტის განთავისუფლებას.

1828 წელს დაიწყო რუსეთ-თურქეთის ომი. პუშკინს ფრონტზე გამგზავრების დიდი სურვილი ჰქონდა, მაგრამ მეფის მთავრობამ ნება არ დართო; მიუხედავად ამისა, პუშკინი ჩუმად გაემგზავრა რუსეთიდან კავკაზში (ახლანდელი ძაუჯიკაუ) და საქართველოს სამხედრო გზით თბილისისაკენ გამოსწია.

1829 წელს პუშკინი თბილისში ჩამოვიდა. იგი აღტაცებული იყო ქართველებით, რომლებსაც ნიჭიერი და მეომარი ხალხი უწოდა. ეს შთაბეჭდილებები პუშკინს წარმტაცად აქვს აღწერილი მოთხრობა „გამგზავრება არზრუმში“.

თბილისიდან პოეტი ფრონტზე გაემგზავრა და ბრძოლებშიაც მიიღო მონაწილეობა.

პუშკინი ფრონტიდან ისევ თბილისს დაბრუნდა და ხუთ დღეს დარჩა აქ. თბილისის საზოგადოება დიდი სიყვარულით და პატივისცემით შეეგება პოეტს. პუშკინი ამ შეხვედრას გაუხარებია და დამსწრეთათვის ასე მიუმართავს: „ჩემს სიცოცხლეში არ მახსოვს ისეთი დღე, როდესაც ამაზე მეტად მხიარული ვყოფილიყავი. ვხედავ, თუ როგორ ვუყვარვარ ხალხს, როგორ მათსებს და ეს მებედნიერებს“-ო.

საქართველოში მიღებული შთაბეჭდილებანი პუშკინმა მრავალ ლექსში გამოხატა; მისი ერთ-ერთი ულამაზესი ლექსია: „საქართველოს მთებს“.

თბილისში, იმ ქუჩას, სადაც პოეტი ცხოვრობდა, პუშკინის სახელი

უწოდეს. პუშკინის ქუჩაზე მდებარე პატარა ბაღში პოეტის ის ძველი დადგეს, რომელიც დღესაც ამშვენებს ამ ადგილს.

საქართველოდან მოსკოვში დაბრუნებული პუშკინი ახალი ენერგიით განაგრძობდა მწერლობას.

მაგრამ პოეტის პირადი ცხოვრება ამ წლებში მეტისმეტად მძიმე იყო. დამოკიდებულება მეფესა და პუშკინს შორის სულ უფრო და უფრო მწვავედებოდა. ნიკოლოზი უნდობლად უცქეროდა პოეტს, პუშკინიც არ ფარავდა თავის სიძულვილს მეფისადმი. პუშკინზე გადამტყრებული იყვნენ აგრეთვე მეფის სასახლის გარშემო შემოკრებილი თავადები და აზნაურები, რომლებიც მეფის ერთგული მსახურები იყვნენ. პოეტი მწარე ლექსებით იგერიებდა და თავს ესხმოდა მტრებს.

ბოლოს პუშკინის მტრები ცილისწამების გზას დაადგნენ. პუშკინმა ოჯახის შეურაცხყოფისათვის დუელში გამოიწვია დანტესი, რომელიც საფრანგეთიდან რევოლუციის დროს რუსეთში გამოქცეულიყო და მეფის სამსახურში იმყოფებოდა.

1837 წლის 29 იანვარს დანტესმა დიდი რუსი პოეტი მოჰკლა.

მთელი ხალხი ცხარედ დასტიროდა პუშკინის უდროოდ დაკარგვას. მეფის მთავრობა ისე იყო დაშინებული ხალხის უკმაყოფილებით, რომ ნათესავეებს ნება არ მისცა, პოეტი პეტერბურგში დაესაფლავებინათ.

ქანდარმებმა ღამით მარხილით გააპარეს პუშკინის ცხედარი პეტერბურგიდან და ფარულად დაკრძალეს იგი სოფ. მიხაილოვსკოესთან სვიატოგორსკის მონასტრის სასაფლაოზე.



ალექსანდრა კახიანი

## მეთევზისა და თევზის ზღაპარი

თარგმანი გრიგოლ აბაშიძისა

ნახატები იოსებ გაბაშვილისა

იყო ცხრა მთას იქით  
მოხუცი ცოლ-ქმარი,  
მიწურში ცხოვრობდნენ  
ლურჯი ზღვის ნაპირად,  
თავად ბერიკაცი  
იყო მებადური.  
მუდამ ჯარას უჯდა  
მისი დედაბერი.  
ერთხელ მებადურმა  
ბადე გადისროლა,  
ბადეს ცარიელა  
ზღვის შლამი ამოჰყვა.  
ისროლა მეორეთ  
ბადე მებადურმა,  
ბალახი ამოჰყვა  
ბადეს ორი ღერი.  
მესამედ ისროლა  
ბადე მებადურმა

და თევზი ამოჰყვა  
ბადეს ერთად-ერთი.  
ისიც ოქროს თევზი,  
უბრალო კი არა!

ენა ამოიდგა  
უცებ ოქროს თევზმა:  
„ოლონდ გამიშვი და  
ბედს გწევ ბერიკაცი;  
ყველა ნატვრასა და  
სურვილს აგისრულებ“.

გაშტერდა მოხუცი,  
შიშმა აიტანა,  
ბადით თევზს იქერდა,  
რაც თავი ახსოვდა,  
თევზის ლაპარაკი  
დღემდე არ ენახა.  
ადგა, ოქროს თევზი



ზღვაში გადისროლა.  
თან გზა დაულოცა:  
„წადი ოქროს თევზო,  
მე შენგან სანაცვლოდ  
სიკეთე არ მინდა,  
ლურჯი ზღვის ტალღებში  
ლაღად ინავარდე“.  
დაბრუნდა მოხუცი  
შინ ხელცარიელი,  
დედაბერს უამბო:  
„მოხდა სასწაული,  
თევზი დავიჭირე,  
ისიც ოქროს თევზი!  
თევზმა კაცის მსგავსათ  
ენა ამოიღვა,  
მითხრა: „გამიშვი და  
ბედს გწევ ბერიკაცო,  
კველა ნატვრასა და  
სურვილს აგისრულებ“.  
მე ვერ გავუბედე  
ნატვრა გამემხილა,  
ისე გადისროლე  
ზღვაში ოქროს თევზი.

მისდგა დედაბერი,  
ლანძღა ბერიკაცი:  
„ჩერჩეტო ბებერო,  
აგრე რომ გაუშვი,  
როგორ არა სთხოვე  
ნატვრის შესრულება.  
ხომ ხედავ ვარცლი რომ  
დაიმტვრა, დაძველდა,  
ეგ მაინც ვეთხოვა  
ოქროს თევზისათვის“.  
მოხუცი მეთევზე  
ზღვისკენ გაემართა,  
შეირხნენ, შეტოკდნენ  
ლურჯი ზღვის ზვირთები.  
უწყო მებადურმა  
ოქროს თევზს ძახილი.  
წამსვე ოქროს თევზი

მასთან დაიბადა.  
ჭკითხა: „რად მეძახდი,  
რა გსურს ბერიკაცო?“

მეთევზემ ოქროს თევზს  
დაუკრა თავი და  
ბოდით შესთხოვა:  
„ნუ მიწყენ ბატონო,  
ჩემი დედაბერი  
საშველს აღარ მაძლევს,  
ჩვენი დამტვრეული,  
ძველი ვარცლის ნაცვლად  
შინ ახალი ვარცლი  
თუ არ მიეუტანე“.

„ნუ სწუხარ მოხუცო,“ —  
უთხრა ოქროს თევზმა, —  
„წადი, დაგიხედება  
შინ ვარცლი ახალი“.  
დაბრუნდა მოხუცი  
თავის დედაბერთან,  
ხედავს რომ წინ უდევს  
კოლს ვარცლი ახალი,  
მაგრამ წინანდელზე  
უფრო ილანძღება:  
„ჰაი შე ჩერჩეტო!  
თევზს ვარცლი რომ სთხოვე,  
ვარცლს რა თავში ვიხლი,  
ვერცხლის ხომ არ არის!  
მიწური გვენგრევა,  
ქობი რად არ სთხოვე!“  
ისევ ზღვას მიაღდა  
მოხუცი მეთევზე,  
(შეირხა, აიმღერა  
ლურჯი ზღვის ტალღები)  
უწყო მებადურმა  
ოქროს თევზს ძახილი.  
წამსვე ოქროს თევზი  
მასთან დაიბადა.  
ჭკითხა: „რას მეძახდი,  
რა გსურს ბერიკაცო?“  
მეთევზემ ოქროს თევზს





დაუკრა თავი და  
ბოდისით შესთხოვა:  
„ნუ მიწყენ ბატონო!  
ცოლი არ მასვენებს,  
ის შეჩვენებული,  
მიწური აღარ სურს,  
ქობი მოინდომა“.

„ნუ სწუხარ მოხუცო, —  
უთხრა ოქროს თევზმა, —  
გაბრუნდი და ქობი  
გექნება ახალი“.  
დაბრონდა მეთევზე,  
მიწუ. ის ადგილზე  
ახალი ქობი დგას  
ნათელი მაღალი,  
სულ მუხის გათლილი  
ძელებით ნაშენი,  
სარკმელთან ცოლი ზის  
და უბღვერს შორიდან,  
უყვირის: „ჩერჩეტო,  
თევზს ქობი რომ სთხოვე,  
მე ქობი რად მინდა,

გლებს ქალად თუ დავრჩი,  
თევზს სთხოვე გამხადოს  
ტახტის აზნაური“.

კვლავ ლურჯ ზღვას მიადგა  
მოხუცი მეთევზე,  
(ღელავდა ლურჯი ზღვა,  
შფოთავდნენ ტალღები)  
უწყო მებადურმა  
ოქროს თევზს ძახილი,  
წამსვე ოქროს თევზი  
მასთან დაიბადა.  
მეთევზემ ოქროს თევზს  
დაუკრა თავი და  
ბოდისით შესთხოვა:  
„ნუ მიწყენ ბატონო,  
ცოლი უფრო ანჩხლობს  
და უფრო მაგინებს,  
უბრალო გლებს ქალად  
აღარ სურს დარჩენა,  
ტახტის აზნაურად  
გახდომა ისურვა“.

„ნუ სწუხარ მოხუცო, —  
უთხრა ოქროს თევზმა, —  
წადი, ასრულდება  
კოლის ეგ სურვილიც“.  
დაბრუნდა მოხუცი  
თავის დედაბერთან,  
რას ხედავს! სასახლე  
დგას უზარმაზარი,  
მის კოლს ბეწვეული  
მოუსხამს ძვირფასი,  
ბეწვევებში ფარჩეული  
უჩანს მოშრიანე,  
ყელი დაუფარავს  
ასხმულ მარგალიტებს,  
ოქროს სამაჯურით  
მაჯა უბრქვევიალებს.  
ფეხზე ულაპლაპებს  
წითლად ფეხსაცმელი.  
ირგვლივ ახვევია  
გუნდი მოახლეთა,  
ზოგს სცემს გამეტებით,  
ზოგსაც თმებით ათრევს.  
დედაბერს მოხუცი  
კრძალვით ეუბნება:  
„სალამი ქალბატონს!  
აზნაურ ქალბატონს!  
ახლა კი იქნები  
ბედით კმაყოფილი“.  
ერთი შეუყვირა  
მოხუცს დედაბერმა,  
თავლაში გააგლო  
ქმარი მეჯინიბეთ.  
გავიდა ხანი და  
თავგასულ დედაბერს  
შური და სიხარბე  
უფრო მოერია,  
ისევ ოქროს თევზთან  
გაგზავნა მოხუცი:  
-წადი შევედრე  
ოქროს თევზს ბებერო.

ტახტის აზნაურად,  
აღარ მსურს დარჩენა,  
თხოვე რომ ხმელეთის  
დედოფლად გამხადოს!“

შეშინდა მოხუცი,  
დედაბერს შეჰკადრა:  
„რას ამბობ დიაცო,  
ეგ რამ მოგაფიქრა,  
არც სიტყვა-პასუხი,  
არც წესი მეფეთა  
არ იცი, გახდები  
ქვეყნის სასაცილო“

დედაბერს ბრაზისგან  
სახე აელეწა,  
სილა უთავაზა  
ბერიკაცს მაგარი:  
„ყაძახო, აზნაურს  
სიტყვის შებრუნება  
როგორ გამიბედე.  
ახლავე გაჰქანდი  
საითაც გიბრძანეს,  
თორემ სულ ერთია,  
თუ ნებით არ წახვალ  
ძალით წაგათრევენ“.

ისევ ზღვას მიაღდა  
მოხუცი მეთევზე  
(შავად დაიღრუბლა,  
დაბნელდა ლურჯი ზღვა)  
უწყო მებაღურმა  
ოქროს თევზს ძახილი,  
წამსვე ოქროს თევზი  
მასთან დაიბადა,  
ჰკითხა: „რად მეძახდი,  
რა გსურს ბერიკაცო?“  
მეთევზემ ოქროს თევზს  
დაუქრა თავი და  
ბრდიშით შესთხოვა:  
„ნუ მიწყენ ბატონო!  
რაჰქნა დედაბერი



ისევ ამეშალა,  
 აზნაურის ბელი  
 უკვე არ იკმარა  
 ახლა დედოფლობა  
 ქვეყნის მოინდომა“  
 „ნუ სწუხარ მოხუცო, —  
 უთხრა ოქროს თევზმა, —  
 წადი, შევეუსრულებ  
 შენს ცოლს მაგ სურვილსაც“.

დაბრუნდა მოხუცი  
 თავის დედაბერთან,  
 ხედავს გაბრწყინებულ  
 სამეფო პალატებს,  
 გაშლილ სუფრას უზის  
 მისი დედაბერი,  
 უკვე მბრძანებელი  
 ქვეყნის დედოფალი.  
 თვითონ თავადები  
 ღვინოს სთავაზობენ,  
 კრძალვით ათასნაირ  
 ნამცხვარს მიაართმევენ.  
 ირგვლივ შემორტყმიან

მრისხანე მცველები,  
 ბასრი ცულები აქვთ  
 მხრებზე გადებული.  
 მოხუცს მათ ნახვავზე  
 შიშით გააქრქოლა,  
 ფეხქვეშ ჩაუვარდა  
 დედაბერს ვედრებით:  
 „სალამი დედოფალს!  
 მრისხანე დედოფალს!  
 ახლა ხომ მაინც ხარ  
 ბედით კმაყოფილი?“  
 ზედაც არ შეხედა  
 მოხუცს დედაბერმა,  
 უბრძანა ბებერი  
 გაეგლოთ იმ წამსვე.  
 მაშინვე მისცვივნენ  
 მოხუცს თავადები,  
 კინწისკვრით გააგდეს  
 გარეთ მებაღური,  
 უკან დაედევნენ  
 დედოფლის მცველები,  
 კინალამ ცულებით



დაჩეხეს საწყალი.  
ხალხმა დააყარა  
სიცილი, იძახდნენ:  
„ახია, გაგრიას  
აგრე მოუხდება,  
იქნება ისწავლოს  
კკუა მაგ ბებერმა  
მუმლი აღარ დაჯდეს  
ფასკუნჯის ადგილას.

გავიდა ხანი და  
თავგასულ დედაბერს  
შური და სიხარბე  
უფრო მოერია.  
უბრძანა კარისკაცთ  
მეთევზის მოყვანა.  
მოძებნეს მოხუცი,  
მოჭვარეს დედოფალს.  
მოხუცს დედაბერი  
ასე ეუბნება:  
„წადი შეევედრე,

ოქროს თევზს ბებერო,  
უკვე დედოფლობა  
აღარ მსურს ხმელეთის,  
მსურს ვიყო დღეიდან  
ზღვათა მბრძანებელი,  
რომ ზღვაში ვიცხოვრო —  
ვრცელ ოკეანეში,  
მყავდეს ოქროს თევზი  
მოახლე მსახურად“.

მოხუცმა დედაბერს  
სიტყვა ვერ შეჰპებდა.  
ვერ ჰყადრა უარი,  
უხმოდ დამორჩილდა  
და ისევ მივიდა  
ლურჯი ზღვის ნაპირას.  
შავი ქარიშხალი  
ზღვაზე მძვინვარებდა,  
ზვირთი ზვირთს მოსდევდა  
რისხვით დაგრაგნილი,  
ცამდი აღიოდა

ტალღების დმუილი.  
 უწყო მებაღურმა  
 ოქროს თევზს ძახილი.  
 წამსვე ოქროს თევზი  
 მასთან დაიბადა,  
 ჰკითხა: „რას შეძახდი,  
 რა გსურს ბერეკაცო?“  
 მეთევზემ ოქროს თევზს  
 დაუქრა თავი და  
 ბოდიშით შესთხოვა:  
 „ნუ მიწყენ ბატონო!  
 არ ვიცი რა ვუყო  
 ჩემს წყეულ დედაბერს,  
 უკვე დედოფლობა  
 მოსწყინდა ხმელეთის.  
 ახლა მოინდომა  
 ზღვათა დედოფლობა.  
 სურს ზღვაში იცხოვროს  
 ვრცელ ოკეანეში  
 და თვითონ შენ ჰყავდე  
 მოახლე მსახურად“.

მოხუცს ოქროს თევზმა  
 პასუხი არ უთხრა,  
 მხოლოდ ოქროს ბოლო  
 ზვირთს გაუდგაფუნა  
 და სიღრმე გასცურა.  
 ზღვის სიღრმე უძირო.  
 უცადა, უცადა  
 ოქროს თევზს მოხუცმა,  
 რომ აღარ გამოჩნდა.  
 უკანვე გაბრუნდა,  
 ხედავს ბერეკაცი  
 მის წინ ამართულა  
 ისევ ის მიწური,  
 მისი ძველი ქობი,  
 ზღურბლზე ჩამომჯდარა  
 მისი დედაბერი  
 და წინ ძველი ვარცლი  
 უღევს დამტვრეული.



## ალექსანდრა პუშკინი

### ფუტკარი

ის ის იყო პირველ რილო-ჭრილოში\*  
აღრეული ყვავილები გაბრწყინდა,  
და ფიჭიდან სურნელოვან თაფლისა,—  
გასაოცარ სამეფოდან სანთლისა  
მყის ფუტკარი — პაწაწინა აფრინდა...

გაზაფხულის მახარობელ ყვავილებს  
გაღუფრინა, თავზე გადაუარა.  
სურს გაიგოს, სანატრელი სტუმარი  
ნეტაე მალე მობრძანდება თუ არა!

სურს გაიგოს, მალე გაიფოთლება  
არყის ხეთა წებოვანი კვირტები?!  
აყვავდება შოთხვი\*\* სურნელოვანი,  
ან თუ მალე ამწვანდება მინდვრები!

თარგმანი მურმან ლებანიძისა



ნახატი პ. დამთბავშილისა



### საოცარი ციყვი

ნაძვი იზრდება სისახლის წინა,  
ნაძვის ქვეშ ბროლის ჩარდახი ბრწყინავს.  
იქ შინაურ ციყვს ჰქონია ბინა—  
დიდი ეშმაკი ვინმე ყოფილა!..

თხილს შეეკცევა, თან ლექსებს მღერის,  
სულ ანატუნებს — თხილი აქვს ბევრი.  
უბრალო არის ის თხილი განა?!  
გარეთ — ნაჟუჭი ოქროსი არის,  
შოგნით — გულელები ზურბუბტისანი.

თარგმანი მაცვალა შრეგლაშვილისა

\*. რილო-ჭრილო — გამდნარ თოვლში ალაგ-ალაგ გამოხეხილი მიწა.

\*\* . შოთხვი — ბის ჯიშე.

## დილა

ირიყრავა. აღმოსავლეთს  
ვარდისფერი აკრავს,  
და წყალგაღმა, შორს, სოფელში  
სანათური ჩაჰქრა.


მინდერის კრელი ყვავილები  
ნამით დაიკვარა.  
გაიღვიდა ნახირმა და  
მინდვრად გაიშალა.

ღრუბლებისკენ გადასკურა  
თმაქალარა ნისლმა.  
სათიზისკენ გალივლივდა  
გუნდი ბატებისა.

იჩქარიან ყანებისკენ, —  
ხალხმა გაიღვიდა... —  
შე მობრძანდა, შე გაბრწყინდა  
და ზეიშობს მიწა.

თარგმანი მურმან ლეზანიძისა

ნახატი ალ. ვეფხვაძისა





## ღ ე ბ ი

თამარი და ნინო სახლში დედაზე  
ადრე მოვიდნენ.

თამარმა მაგიდაზე უწყსრიგოდ  
დაყრილ ჭურჭელს შეჰხედა:

— დედას ვერ მოუსწრია... — თა-  
ვისთვის ჩაილაპარაკა მან და მაგი-  
დასაკენ გაეშურა.

— იჰ, მე მეგონა რაღაც ამბავია—  
მეთქი. დედას ხომ ჩვენ ყოველთვის  
ვასწრებთ მოსვლას.

— ჩვენ კი ვასწრებდით ხოლმე,  
მაგრამ მაგიდა ყოველთვის ალაგე-  
ბული გვხვდებოდა, ახლა კი... შეხე-  
დე, დილით იმ თევზებიდან ხომ ჩვენ  
ვჭამეთ-მაწონი? აი, ისევ გაურეცხა-  
ვია. ალბათ, სამსახურში აგვიანდე-  
ბოდა. რა ვქნათ, ხომ უნდა მოვეხ-  
მართო დედას?

ღებმა წინსაფრები აიფარეს, ჭურ-  
ჭელი აალაგეს, მაგიდა გაასუფთავეს  
და ახალ თადარიგს შეუდგნენ. თა-  
მარმა დედის მიერ გამზადებული სა-  
დილი პირველათ თავის პატარა დაი-  
კოს მიართვა. ისინი აქეთ-იქით შე-

მოუსხდნენ მაგიდას. სადილობას რომ  
მორჩნენ, თამარი ჭურჭელის რეცხვას  
შეუდგა. ნინომ იმ კუთხეში მიიბრბი-  
ნა, სადაც დედა ჭურჭლის შესამშ-  
რალეზლად გრძელ ტილოს ჰკიდებ-  
და ხოლმე. კედელთან სკამი მიიდგა  
შებტა და ჩამოიღო გრძელი ტილო.

პატარა დები ამ საქმეს მალე მორჩ-  
ნენ. ყველაფერი თავის ადგილზე შეი-  
ნახეს და მაგიდა გადასწმინდეს.

— თამარ, დედა რომ მოვა. რას  
იტყვის? — შეეკითხა ნინო.

— გაეხარდება. ყოველთვის ასე  
უნდა მოვიქცეთ, თორემ ვერ ასწრებს,  
— უთხრა თამარმა ნინოს და ჩანთი-  
დან წიგნების ამოლაგება დაიწყო.

სალამოს დედა სამსახურიდან დაბ-  
რუნდა. ოთახში რომ შევიდა თამარი  
და ნინო გაკვეთილებს სწავლობდ-  
ნენ. დედამ ღიმილით გადახედა მა-  
გიდას, კარადა გამოაღო და როდე-  
საც დარეცხილი ჭურჭელი დაინახა,  
ფეხაკრეფით მიუახლოვდა შეილებს,  
მოეხვია და ორივეს შუბლზე აკოცა.

### მთარ ჭელიძე

## მატყუარა ვანო

ვანო ამხანაგებში  
იკეცხნიდა ასე:  
აუზი გვაქვს ეზოში.  
ცივი წყალით სავსე,  
როცა ძლიერ დამცხება,  
გადავხტები წყალში,  
როგორ სწრაფად დავცურავ,  
უნდა ნახოთ მაშინ.  
გულკეთილი კაცია  
მეუზოვე თედო,  
მეთვადყურედ დამნიშნა,—  
მოცურავეს მენდო.

მითხრა: არვინ ჩავიდეს,  
გეჭირიოსო თვადი,  
თუ გინდა, რომ აუზში  
შევეუშვაო წყალი.  
დაყარეს სიცილი,  
ვანო რა თქვი, რაო?  
შიგ თუ წყალი არ არის  
როგორ დასცურავო?!  
მატყუარა განითქდა,  
რა თქვას საპასუხოდ?  
შერცხვენილი გასცილდა  
ამხანაგებს უხმოდ.

# ბუნების კარი



## ლილილი

— სოსო, მინდორში წავიდეთ, ჯეჯილი დავათვალიეროთ, — უთხრა ვანომ მეგობარს.

— წავიდეთ. — უპასუხა სოსომ და გზას გაუდგინა.

— აი ჯეჯილიც, — მხიარულათ წამოიძახა სოსომ და ხელი გაიშვირა. ზაფხულის ნიავე ჯეჯილს ზღვასავით აბიბინებდა. ბავშვები ფრთხილათ შევიდნენ ჯეჯილში და სარეველა ბალახებს ძებნა დაუწყეს.

— აი, სოსო, ეს მგონი ცერცველას ფოთლებია, — თქვა ვანომ.

— ეს კი ქინძრუტაა. რა მაცდური ბალახია, ადამიანის მოტყუება შეუძლია: — ქინძის მსგავსი ფოთლები ასხია და სარეველა კია. ამას და ცერცველას მრგვალი თესლი აქვთ, ალბათ გარჩევის დროს ხორბალში შეუმჩნევლად შეგორდნენ და ერთად დათესეს, — დაუმატა სოსომ.

— ეგრე იქნებოდა, — დაუდასტურა ვანომ.

ამ დროს ბავშვებთან ბრიგადირი მიხა და კოლმეურნე პეტრე მივიდნენ.

— აქ რას აკეთებთ? — ჰკითხეს ბავშვებს.

— სარეველა ბალახებს ვეძებთ, — უპასუხა სოსომ.

სოსო, ვანო, მიხა და პეტრე ჯეჯილში ფრთხილად ტრიალებდნენ და სარეველა ბალახებს მუსრს ავლებდნენ.

— ერთი შეხედეთ, ლილილოსაც როგორ ამაყად აუშვებია თავი, კარგი ხარ, ლამაზი, მაგრამ პურს აფუჭებ, აი, ნახეთ, რა კარგი ხარისხის თეთრი პური გვექნეს, — თქვა მიხამ და ლილილო ძირფესვიანად ამოთხარა.



# პიონერული სიმღერა

ლესი რევას მარტიანიხა

მუსიკა ოთარ თავთაქიშვილისა

Marciale.

ბედ-ნი-ე-რი ხალ-ხის

შვი-ლებს სტა-ლი-ნე-რი მუ-ქით კვწნდი-ან, საბ-ჭო-

ე-თის ღი-ად ქვე-ნის ნიონ უვა-ვი-ლებს გვე-და-ნი ან

გვეს ქმუნ-ვე-ღად პა-ტი-ა გვე-ს ღა ვაზ-ლდე-ღად

4932

პი- სი შვი- ლი ლე- ნი- ნე- თი კო- ვავ- ში- თი  
 სტა- ლი- ნე- თი კომ- ვავ- ში- თი!  
 ლი- სი თი!

შენიერი ხალხის შვილებს  
 მშობლიური ზრუნვით გვზრდიან,  
 საბჭოეთის დიად ქვეყნის  
 ნორჩ ყვავილებს გვეძახიან.

ჩვენ მზრუნველად პარტია გვყავს  
 და გამზრდელად მისი შვილი:  
 ღვინის კომკავშირი,  
 სტალინური კომკავშირი.

ღირსი ვიყოთ ჩვენი ხალხის,  
 ჩვენი ქვეყნის მთა და ველის,  
 ასე ფიქრობს საბჭოეთში  
 ყველა ნორჩი ღვინელი.

ჩვენ მზრუნველად პარტია გვყავს  
 და გამზრდელად მისი შვილი:  
 ღვინის კომკავშირი,  
 სტალინური კომკავშირი.



